

Kazi Nazrul Islam

Chakravak (1929)

সৃষ্টিপত্র • চক্রবাক

- ১। ভোমারে পড়িছে মনে
- ২। বাদল-রাতের পাখী
- ৩। স্তম্ভ রাত
- ৪। বাতায়ন-পাশে গুবাক-তরুর সারি
- ৫। কর্ণফুলী
- ৬। শীতের সিদ্ধু
- ৭। পথচারী
- ৮। মিলন-মোহানায়
- ৯। গানের আড়াল
- ১০। তুমি মোরে ভুলিয়াছ
- ১১। হিংসাতুর
- ১২। বর্ষা-বিদায়
- ১৩। সাজিয়াছি বর মৃত্যুর উৎসবে
- ১৪। অপরাধ শুধু মনে থাক
- ১৫। আড়াল
- ১৬। নদীপারের মেয়ে
- ১৭। ১৪০০ সাল
- ১৮। চক্রবাক
- ১৯। কুহেলিকা

তোমারে পড়িছে মনে

তোমারে পড়িছে মনে
আজি নীপ-বালিকার ভীক-শিহরণে,
যুধিকার অশ্রুসিক্ত ছলছল মুখে
কেতকী-বধূর অবগুষ্ঠিত ও বুকে—
তোমারে পড়িছে মনে ।
হয়ত তেমনি আজি দূর বাতায়নে
ঝিলিমিলি-তলে

মান সুলিত অঙ্কলে
চাহিয়া বসিয়া আছ একা,
বারে বারে মুছে যায় আঁখি-জল-লেখা ।
বারে বারে নিভে যায় শিয়রের রাতি,
তুমি জাগ, জাগে সাথে বরষার রাতি ।

সিক্ত-পক্ষ পাখী
তোমার চাঁপার ডালে বসিয়া একাকী
হয়ত ভেমলি করি' ডাকিছে সাথীরে,
তুমি চাহি' আছ শুধু দূর শৈল-শিরে ।।
তোমার আঁখির ঘন নীলাঞ্জন-ছায়া
গগনে গগনে আজ ধরিয়াছে কায়া ।...

আমি হেথা রচি' নব নীপ-মালা—
স্বরণ পারের প্রিয়া, একান্তে নিরাশা
অকারণে !—জানি আমি জানি
তোমারে পাব না আমি । এই গান এই মালাখানি
রহিবে তাদেরি কণ্ঠে—যাহাদেরে কভু
চাহি নাই, কুসুমে কাঁটার মত জড়িয়ে রহিল যারা তবু ।
বহে আজি দিশাহারা শ্রাবণের অশান্ত পবন,
তারি মত ছুটে ফেরে দিকে দিকে উচাটন মন,
খুঁজে যায় মোর গীত-সুর
কোথা কোন্ বাতায়নে বসি' তুমি বিরহ-বিধুর ।
তোমার গগনে নেভে বারে বারে বিজলীর দীপ,
আমার অঙ্গনে হেথা বিকশিয়া বারে যায় নীপ ।
তোমার গগনে ঝরে ধারা অবিরল,
আমার নয়নে হেথা জল নাই, বুকে ব্যথা করে টলমল ।

আমার বেদনা আজি রূপ ধরি' শত গীত-সুরে
নিখিল বিরহী-কণ্ঠে—বিরহিণী—তব তরে সুরে !
এ-পারে ও-পারে মোরা, নাই নাই কূল !
তুমি দাও আঁখি-জল, আমি দিই ফুল!

বাদল-রাতের পাখী

বাদল-রাতের পাখী !

কবে পোহায়েছে বাদলের রাত, তবে কেন থাকি' থাকি'
কাঁদিছ আজিও "বউ কণা কণ" শেফালির বনে একা,
শাওনে যাহারে পেলে না, তা'রে কি ভাদরে পাইবে দেখা ?
তুমি কাঁদিয়াছ "বউ কণা কণ" সে-কাঁদনে তব সাথে
ভাঙিয়া পড়েছে আকাশের মেঘ গহীন শাওন-রাত্তে ।

বন্ধু, বরষা-রাত্তি
কেন্দেছে যে সাথে সে ছিল কেবল বর্ষা-রাত্তের সাথী !

আকাশের জল-ভারাত্তর অঁখি হাসি-উজ্জ্বল ;
ভেরছ-চাহনি যাদু হানে আজ, তাবে তনু ঢল ঢল !
কমল-নীঘিতে কমল-মুখীর অধরে হিঙুল মাখে,
আলুতালু বেষণ—ভ্রমরে সোহাগে পর্ণ-আঁচলে ঢাকে ।
শিউলি-তলায় কুড়াইতে ফুশ আজিকে কিশোরী মেয়ে
অকারণ লাজে চমকিয়া ওঠে আপনার পানে চেয়ে ।
শালুকের কুড়ি গুঁজিছে খোঁপায় আবেগে বিধুরা বধু
মুকুলি' পুষ্প-কুমারীর ঠোঁটে ভরে পুষ্পল মধু ।

আজি আনন্দ-দিনে

পাবে কি বন্ধু বধুরে তোমার, হাসি দেখে লবে চিনে' ?
সরসীর তীরে আশ্রয় বনে আজো যবে ওঠ ডাকি,
বাতায়নে কেহ বলে কি, "কে তুমি বাদল-রাত্তের পাখী !"
আজো বিন্দ্র জাগে কি সে রাত্তি তার বন্ধুর লাগি' ?
যদি সে ঘুমায়—তব গান শুনি' চকিতে ওঠে কি জাগি' ?

ভিন্-দেশী পাখী? আজিও স্বপন ভাঙিল না হায় তব,
তাহার আকাশে আজ মেঘ নাই—উঠিয়াছে চাঁদ নব !
ভ'রেছে শূন্য উপবন তার আজি নব নব ফুলে,
সে কি ফিরে চায় বাজিতেছে হায় বাঁশী যার নদীকূলে ?
বাদল-রাত্তের পাখী !
উড়ে চল—যথা আজো ঝরে জল, নাকি ক' ফুলের ফাঁকি ।

স্তব্ধ রাত্তে

থেমে আসে রজনীর গীত-কোলাহল,
ওরে ঘোর সাথী আঁখি-জল,

এইবার তুই নেমে আয়—
অতন্দ্র এ নয়ন-পাতায় !

আকাশে শিশির ঝরে, বনে ঝরে ফুল,
রূপের পালঙ্ক বেয়ে ঝরে এলোচুল,
কোন্ গ্রহে কে জড়িয়ে ধরিছে শ্রিয়ায়,
উষ্কার মানিক ছিড়ে ঝরে' পড়ে' যায় ।

আঁখি-জল তুই নেমে' আয়—
বুক ছেড়ে' নয়ন-পাতায় ।..

ওরে সুখবাদী !

অশ্রুতে পেলিনে যারে, হাসিতে পাখি কি তার আদি ?

আপনারে কতকাল দিবি আর ফাঁকি' ?

অন্তহীন শূন্যতারে কত আর রাখিবি রে কুয়াশায় ঢাকি' ?
ভিখারী সাজিলি যদি, কেন তবে ঘারে
এসে এসে ফিরে যাস্ নিতি অন্ধকারে ?
পথ হ'তে আন্-পথে কেন্দে যাস্ ল'য়ে ভিক্ষা-ঝুলি,
প্রসাদ যাচিস্ যার তারেই রহিলি শূধু জুলি' ?

সকলে জানিবে তোরা ব্যথা,

শূধু সে-ই জানিবে না কাঁটা- ভরা ক্ষত তোরা কোথা ।

ওরে ভীকু, ওরে অভিমাত্রী ।

যাহারে সকল দিবি, তা'রে তুই দিলি শূধু বাণী ?
সূরের সুরায় মেতে' কতটুকু কমিল রে মর্মদাহ তোরা ?
গানের গহীনে ডুবে' কতদিন লুকাইবি এই আঁখি-লোর ?
কেবলি গাঁথিলি মালা, কার তরে কেহ নাহি জানে !
অকূলে ভাসায়ে দিস্, ভেসে যায় মালা শূন্য পানে ।

* সে-ই শূধু জানিল না, যার তরে এত মালা গাঁথা,
জলে-ভরা আঁখি তোরা, ঘুমে-ভরা তার আঁখি-পাতা ।
কে জানে কাটিবে কি না আজিকার অন্ধ এ নিশীথ,
হয়ত হবে না গাওয়া কা'ল তোরা আধ-গাওয়া গীত,

হয়ত হবে না বলা, বাণীর বুদ্ধি দে যাহা ফোটে নিশিদিন !
সময় ফুরায় যায়—ঘনায় আসিল সন্ধ্যা কুহেলি-মলিন!

সময় ফুরায় যায়, চল্ এবে, বল্ আঁখি জ্বলি—
ওগো প্রিয়, আমি যাই, এই লহ মোর ডিঙ্কা-ঝুলি।
ফিরেছি সকল ঘরে, শুধু তব ঠাই
ডিঙ্কা-পাত্র লয়ে' করে কড়ু আসি নাই।

ডরেছে ডিঙ্কার ঝুলি মানিকে মগিতে,
ভরে নাই চিত্ত মোর ! তাই শূন্য চিত্তে
এসেছি বিবাগী আজি, ওগো রাজ-রাণী,
চাহিতে আসিনি কিছু! সন্ধ্যাটে অঞ্চল মুখে দিও না ক' টানি'।
জানাতে এসেছি শুধু—অস্তর-আসনে
সব ঠাই ছেড়ে' দিয়ে—যাহারে গোপনে
চ'লে গেছি বন-পথে একদা একাকী,
বুক-ভরা কথা লয়ে—জল-জলা আঁখি।
চাহিনি ক' হাত পেতে তারে কোনোদিন,
বিলায়ে দিয়েছি তারে সব, ফিরে' পেতে দিইনি ক' ঋণ!

ওগো উদাসিনী,
তব সাথে নাহি চলে হাটে বিকিকিনি।
কারো প্রেম ঘরে টানে, কেহ অবহলে
ভিখারী করিয়া দেয় বহু দূরে ঠেলে'!
জানিতে আসিনি আমি, নিমেষের জ্বলে
কখনো বসেছ কি না সেই নদী-কূলে,
যার ডাটি-টানে—
ভেসে যায় তরী মোর দূর শূন্য-পানে।
চাহি না ত কোনো কিছু, তবু কেন রয়ে' রয়ে' ব্যথা করে বুক
সুখ ফিরি ক'রে ফিরি, তবু নাহি সহ্য যায়
আজি আর এ-দুখের সুখ ।...

আপনারে ছলিয়াছি, তোমারে ছলিনি কোনোদিন,
আমি যাই, তোমারে আমার ব্যথা দিয়ে গেনু ঋণ।

বাতায়ন-পাশে গুবাক-তরু সারি

বিদায়, হে মোর বাতায়ন-পাশে নিশীথ জাগার সাথী !
ওগো বন্ধুরা, পাথুর হয়ে এল বিদায়ের রাত্তি !
আজ হতে হ'ল বন্ধ আমার জানালায় ফিলিমিলি,
আজ হতে হ'ল বন্ধ মোদের আলাপন নিরিবিলি ।....

অন্ত-আকাশ-অলিন্দে তার শীর্ণ কপোল রাখি'
কাঁদিতেছে চাঁদ, "মুসাফির জাগো, নিশি আর নাই বাকী।"
নিশীথিনী যায় দূর বন-ছায়, ভ্রমায় চুলুচুলু,
ফিরে ফিরে চায়, দু'হাতে জড়ায় আঁধারের এলোচুল।—
চমকিয়া জাগি, ললাটে আমার কাহার নিশাস লাগে?
কে করে বীজন তও ললাটে, কে মোর শিয়রে জাগে?
জেগে দেখি, মোর বাতায়ন-পাশে জাগিছ স্বপনচারী
নিশীথ রাতের বন্ধু আমার গুবাক-তরু সারি।

তোমাদের আর আমার আঁখির পল্লব-কম্পনে।
সারা রাত্ত মোরা করেছে যে কথা, বন্ধু, পড়িছে মনে!—
জাগিয়া একাকী জ্বালা ক'রে আঁখি আসিত যখন জল,
তোমাদের পাতা মনে হ'ত যেন সুশীতল করতল
আমার প্রিয়র!—তোমার শাখার পল্লব-মর্মর
মনে হ'ত যেন তারি কণ্ঠের আবেদন সকাতির।
তোমার পাতায় দেখেছি তাহারি আঁখির কাজল-লেখা,
তোমার দেহেরই মতন দীঘল তাহার দেহের রেখা।
তব কির্ কির্ মির্ মির্ যেন তারি কুণ্ঠিত বাণী,
তোমার শাখায় ঝুলানো তারির শাড়ীর আঁচলখানি।
—তোমার পাখার হাওয়া
তারি অজুলি-পরশের মত নিবিড় আদর-ছাওয়া!

ডাবিতে ডাবিতে চুলিয়া পড়েছি ঘুমের শ্রান্ত কোলে,
ঘুমায় স্বপন দেখেছি,—তোমারি সুনীল ঝালর দোলে
তেমনি আমার শিখানের পাশে। দেখেছি স্বপনে, তুমি
গোপনে আসিয়া গিয়াছ আমার তও ললাট চুমি'!

হয়ত স্বপনে বাড়ায়েছি হাত লইতে পরশখানি,
বাতায়নে ঠেকি' ফিরিয়া এসেছে, লইয়াছি লাজে টানি'।

বন্ধু, এখন রুদ্ধ করিতে হইবে সে বাতায়ন !
ডাকে পথ, হাঁকে যাত্রীরা, “কর বিদায়ের আয়োজন !”

—আজি বিদায়ের আগে

আমারে জানাতে তোমারে জানিতে কত কি যে সাধ জাগে !
মর্মের বাণী শূনি তব, শুধু মুখের ডায়াজ কেন
জানিতে চায় ও বুকের ভাষারে লোভাত্মক মন হেন?
জানি—মুখে মুখে হবে না মোদের কোনদিন জানাজানি,
বুকে বুকে শুধু বাজাইবে বীণা বেদনার বীণাপানি ।

হয়ত তোমারে দেখিয়াছি, তুমি যাহা নও তাই ক’রে,
ক্ষতি কি তোমার, যদি গো আমার তাতেই হৃদয় ভরে?
সুন্দর যদি করে গো তোমারে আমার আঁখির জল,
হার-মোমতাজে লয়ে কারো প্রেম রচে যদি তাজম’ল,

—বল তাহে কার ক্ষতি ?

তোমারে লইয়া সাজাব না স্মর, সৃষ্টির অমরাবতী !...

হয়ত তোমার শাখায় কখনো, বসেনি আসিয়া পাখী
তোমার কুঞ্জে পত্রপুঞ্জে কোকিল ওঠেনি ডাকি’ ।
শূন্যের পানে তুলিয়া ধরিয় পল্লব-আবেদন
জেগেছে নিশীথে জাগেনি ক’ সাথে খুলি’ কেহ বাতায়ন ।

—সব আগে আমি আদি’

তোমারে চাহিয়া জেগেছি নিশীথে, গিয়াছি গো ভালোবাসি !
তোমার পাতায় লিখিলাম আমি প্রথম প্রণয়-লেখা,
এইটুকু হোক সাক্ষ্য মোর, হোক বা না হোক দেখা !...

তোমাদের পানে চাহিয়া বন্ধু, আর আমি জাগিব না ।
কোলাহল করি’ সারা দিনমান কারো ধ্যান ডাঙিব না ।

—নিচল নিশ্চুপ

আপনার মনে পুড়িব একাকী গন্ধবিধুর ধূপ ।—

শুধাইতে নাই, তবুও শুধাই আজিকে যাবার আগে—
এ পল্লব-জাফরি খুলিয়া তুমিও কি অনুরাগে

দেখেছ আমারে—দেখিয়াছি যবে আমি বাতায়ন খুলি’?
হাওয়ায় না মোর অনুরাগে তব পাতা উঠিয়াছে দুলি’ ।
তোমার পাতার হরিৎ আঁচলে চাঁদিনী ঘুমায়ে যবে,
মূর্ছিতা হবে সুখের আবেশে,—সে আলোর উৎসবে
মনে কি পড়িবে এই ক্ষণিকের অতিথির কথা আর?
তোমার নিশ্বাস শূন্য এ ঘরে করিবে কি হাহাকার?
চাঁদের আলোক বিস্তাদ কি গো লাগিবে সেদিন চোখে?
বড়খড়ি খুলি’ চেয়ে র’বে দূর অস্ত অলঙ্ক-লোকে?—

—অথবা এমনি করি’

দাঁড়ায়ে রহিবে আপন ধ্যানে সারা দিনমান ভরি’?

মলিন মাটির বন্ধনে বাঁধা হয় অসহায় তরু,
পদতলে ধূলি, উর্ধ্বে তোমার শূন্য গগন-মরু ।
দিবসে পুড়িছ রৌদ্রের দাহে, নিশীথে ভিজিছ হিমে,
কাঁদিবারও নাই শক্তি, মৃত্যু-আক্ষিণে পড়িছ বিমে!
তোমার দুঃখ তোমারেই যদি, বন্ধু, ব্যথা না হানে,
কি হবে রিক্ত চিত্ত ভরিয়া আমার ব্যথার দানে !...

* * *
ভুল করে’ কভু আসিলে স্মরণে অমনি তা যেয়ো ভুলি’ ।
যদি ভুল ক’রে কখনো এ মোর বাতায়ন যায় খুলি’,
বন্ধ করিয়া দিও পুনঃ তায় !..... তোমার জাফরি-ফাঁকে
খুঁজো না তাহারে গগন-আঁধারে—মাটিতে পেলো না যাকে !

কর্ণফুলী

—ওগো ও কর্ণফুলী,

উজাড় করিয়া দিনু তব জলে আমার অশ্রুগুলি ।
যে লোনা জলের সিঁদু-সৈকতে নিতি আনাগোনা,
আমার অশ্রু লাগিবে না সখি তার চেয়ে বেশী লোনা!
তুমি শুধু জল কর টলমল; নাই তব প্রয়োজন
আমার দু’ফোটা অশ্রুজলের এ গোপন আবেদন ।
যুগ যুগ ধরি’ বাড়াইয়া বাহু তব দু’ধারের তীর
ধরিতে চাহিয়া পারেনি ধরিতে, তব জল-মঞ্জরী
বাজাইয়া তুমি ওগো গর্বিতা চলিয়াছ নিজ পথে।

কূলের মানুষ ভেসে গেল কত তব এ অকূল শ্রোতে !
তব কূলে যারা নিতি রচে নীড় তা'রাই পেল না কূল,
দিশা কি তাহারা পাবে এ অতিথি দু'দিনের বুলবুল!

—বুঝি প্রিয় সব বুঝি

তবু তব চরে চখা কেঁদে মরে চখীরে তাহার খুঁজি' !

তুমি কি পদ্মা, হারানো গোমতী, ভুলে-যাওয়া ভাগীরথী—
তুমি কি আমার বৃকের তলার শ্রেয়সী অশ্রুমাতী ?
দেশ দেশ ঘুরে' পেয়েছি কি দেখা মিলনের মোহনায়,
স্থলের অশ্রু নিশেষ হইয়া যথায় ফুরায়ে যায় ?
ওরে শ্রোত তোর কোন্ পাহাড়ের হাড়-গলা আঁখি-জল ?
বজ্র বাহারে বিধিতে পারেনি, উড়াতে পারেনি ঝড়,
ভূমিকম্পে যে টলেনি, করেনি মহাকালের যে ডর,
সেই পাহাড়ের পাষাণের তলে ছিল এত অভিমান ?
এত কাঁদে তবু শুকায় না তার চোখের জলের বান ?

তুই নারী, বুঝিবি না নদী পাষণ নরের ক্রেশ,
নারী কাঁদে—তার সে আঁখিজলের আছে একদিন' শেষ ।
পাষণ ফাটিয়া যদি কোনোদিন জলের উৎস বহে,
সে জলের ধারা শাস্বত হয়ে রহে রে চির-বিরহে ।
নারীর অশ্রু নয়নের শুধু ; পুরুষের আঁখি-জল
বাহিরায় গ'লে অন্তর হতে অন্তরতম তল ।
আকাশের মত তোমাদের চোখে সহসা বাদল নেমে'
রৌদ্রের তাত ফুটে ওঠে সখি নিমেষে সে মেঘ থেমে' !

—ওগো ও কর্ণফুলী!

তোমার সলিলে পড়েছিল কবে কার কান-ফুল খুলি' ?
তোমার শ্রোতের উজান ঠেলিয়া কোন্ তরুণী কে জানে,
“সাম্পান”-নায়ে ফিরেছিল তার দয়িতের সন্ধানে ?
আনমনা তার খলে গেল খোঁপা, কান-ফুল খেল খুলি',
সে ফুল যতনে পরিয়া কর্ণে হলে কি কর্ণফুলী ?

যে গিরি গলিয়া তুমি বও নদী, সেথা কি আজি ও রহি'
কাঁদিছে বন্দী চিত্রকূটের যক্ষ চিরবিরহী?

তব এত জল একি তার সেই মেঘদূত-গলা বানী?
তুমি কি গো তার প্রিয়-বিরহের বিধুর স্বরণখানি?
ঐ পাহাড়ে কি শিরীরে স্বরিয়া ফারেসের ফরহাদ,
সারা গিরি হ'ল শিরী-মুখ হায়, পাহাড় গলিল শ্রেমে,
গলিল না শিরী! সেই বেদনা কি নদী হয়ে এলে নেমে' ?
ঐ গিরি-শিরে মজ্জুন্ কি গো আজিও দিওয়ানা হয়ে
লায়লির লাগি' নিশিদিন জাগি' ফিরিতেছে রোয়ে রোয়ে?
পাহাড়ের বুক বেয়ে সেই জল বাহতেছ তুমি কি গো ?—
দুঃস্বপ্নের বোজ-আসা তুমি শকুন্তলার মৃগ?
মহাধেতা কি বসিয়াছে সেথা পুত্তরীকের ধ্যানে?—
তুমি কি চলেছ তাহারি সে শ্রেম নিরুদ্ধেশের পানে?—
যুগে যুগে আমি হারিয়ে প্রিয়ারে ধরণীর কূলে কূলে
কাঁদিয়াছি যত, সে অশ্রু কি গো তোমাতে উঠেছে দুলে' ?

—ওগো চির-উদাসিনী !

তুমি শোনো শুধু তোমারি নিজের বৃকের রিগি রিগি ।
তব চানে ভেসে আসিল যে ল'য়ে ভাঙা “সাম্পান”-তরী,
চাহনি তাহার মুখ-পানে তুমি

কখনো করুণা করি'!

জোয়ারে সিদ্ধু ঠেলে দেয় ফেলে তবু নিতি ডাটি-টানে
ফিরে ফিরে যাও মলিন বয়ানে সেই সিদ্ধুরই পানে !
বন্ধু-হৃদয় এমনি অবুঝ কারো সে অধীন নয় ।
যারে চায় শুধু তাহারেই চায়—নাহি মানে লাজ ভয় ।
বারে বারে যায় তারি দরজায়, বারে বারে ফিরে আসে !
যে আগুনে পু'ড়ে মরে পতঙ্গ—ঘোরে সে তাহারি পাশে ।

তব জলে আমি ডুবে মরি যদি, নহে তব অপরাধ,
তোমার সলিলে মরিব ডুবিয়া, আমারি সে চির-সাধ ।
আপনার জ্বালা মিটাতে এসেছি তোমার শীতল তলে,
তোমার বেদনা হানিতে আসিনি আমার চোখের জলে ।

অপরাধ শুধু হৃদয়ের সখি, অপরাধ কারো নয় !
ডুবিতে যে আসে ডোবে সে একাই, তটিনী তেমনি বয় !

* * *
সারিয়া এসেছি আমার জীবনে কুলে ছিল যত কাজ,
এসেছি তোমার শীতল নিতলে জুড়াইতে তাই আজ !
ডাকনি ক' তুমি, আপনার ডাকে আপনি এসেছি আমি
যে বুকের ডাক শনেছি শয়নে স্বপনে দিবস-যামী ।
হয়ত আমারে লয়ে অন্যের আজও প্রয়োজন আছে,
মোর প্রয়োজন ফুরাইয়া গেছে চিরতরে মোর কাছে!
—সে কবে বাঁচিতে চায়,
জীবনের সব প্রয়োজন যার জীবনে ফুরায়ে যায় !

জীবন ভরিয়া মিটায়েছি শুধু অপরেরা প্রয়োজন,
সবার খোরাক জোগায়ে নেহারি উপবাসী মোরই মন !
আপনার পানে ফিরে দেখি শ্বাজ—চলিয়া গেছে সময়,
যা, হারাবার তা' হারাইয়া গেছে তাহা ফিরিবার নয় !
হারিয়েছি সব, বাকী আছি আমি, শুধু সেইটুকু লয়ে
বাঁচিতে পারি না, যত চলি পথে তত উঠি বোঝা হয়ে ।

বহিতে পারি না আর এই বোঝা, নামানু সে ভার হেথা ;
তোমার জলের লিখনে লিখিনু আমার গোপন ব্যথা !
ভয় নাই প্রিয়, নিমেষে মুছিয়া যাইবে এ জল-লেখা,
তুমি জল—হেথা দাগ কেটে কড়ু থাকে না কিছুরি রেখা !
আমার ব্যথায় শূকায় যাবে না তব জল কা'ল হ'তে,
ঘূর্ণ্যাবর্ত জাগিবে না তব অগাধ গভীর স্রোতে ।
হয়ত ঈষৎ উঠিবে দুলিয়া, তারপর উদাসিনী,
বহিয়া চলিবে তব পথে তুমি বাজাইয়া কিঙ্কিনী !
শুধু লীলাভরে তেমনি হয়ত ভাঙিয়া চলিবে কুল,
তুমি র'বে, শুধু র'বে না ক' আর এ গানের বুলবুল ।
তুহার-হৃদয় অকরণা গুণো, বুঝিয়াছি আমি আজি—
দেওলিয়া হয়ে কেন তব তীরে কাঁদে “সাম্পান”-মাঝি ।

শীতের সিন্ধু

জুলি নাই পুনঃ তাই আসিয়াছি ফিরে'
গুণো বন্ধু, গুণো প্রিয়, তব সেই তীরে !
কুল-হারা কুলে তব নিমেষের লাগি'
খেলিতে আসিয়া হায় যে কবি বিবাগী
সকলি হারিয়ে গেল তব বালুচরে,—
ঝিনুক কুড়াতে এসে—গেল আঁধি ভ'রে
তব লোনা জল ল'য়ে—তব স্রোত-টানে
ভাসিয়া যে গেল দূর নিরুদ্দেশ পানে !
ফিরে সে এসেছে আজ বহু বর্ষ পরে,
চিনিতে পার কি বন্ধু মনে তা'রে পড়ে?

বর্ষার জোয়ারে যারে তব হিন্দোলায়
দোলাইয়া ফেলে দিলে দূরাশা-সীমায়
ফিরিয়া সে আসিয়াছে তব ডাটি-মুখে,
টানিয়া লবে কি আজ তা'রে তব বুকো?

খেলিতে আসিনি বন্ধু, এসেছি এবার
দেখিতে তোমার রূপ বিরহ-বিধার ।

সে-বার আসিয়াছিনু হ'য়ে কুড়হলী,
বলিতে আসিয়া—দিনু আপনারে বলি ।
কৃপণের সম আজ আসিয়াছি ফিরে'
হারিয়েছি মণি যথা সেই সিন্ধু-তীরে !
ফেরে না তা যা হারায়—মণি-হারা ফণী
তব ফিরে ফিরে আসে ! বন্ধু গো, তেমনি
হয়ত এসেছি বৃথা চোরা বালুচরে ।—
যে চিত্তা জুলিয়া—যায় নিতে চিরতরে,
পোড়া মানুষের মন সে মহাশ্মশানে
তব ঘুরে মরে কেন,—কেন যে কে জানে !
প্রভাতে ঢাকিয়া আসি' কবরের তলে
তারি লাগি' আধ-রাতে অভিসারে চলে

অবুঝ মানুষ, হায় !—ওগো উদাসীন,
সে বেদনা বুঝিবে না তুমি কোলোদিন !
হয়ত হারানো মণি ফিরে তা'রা পায়,
কিন্তু হায়, যে অভাগা হৃদয় হারায়
হারায় সে চিরতরে ! এ জনমে তা'র
দিশা নাহি মিলে, বন্ধু !—তুমি পারাবার,
পারাপার নাহি তব, তোমার অভলে
যা ডোবে তা চিরতরে ডোবে আঁখিজলে !
জানিলে সাঁতার, বন্ধু হইলে ডুবুরী,
করিতাম কবে তব বন্ধ হ'তে চুরি
রক্তহর ! কিন্তু হায়, জিনে শুধু মালা
কি হইবে বাড়াইয়া হৃদয়ের জ্বালা !
বন্ধু, তব রক্তহর মোর তরে নয়—
মালার সহিত যদি না মেলে হৃদয় !

হে উদাসী বন্ধু মোর, চির আত্মজোলা,
আজ নাই বুকে তব বর্ষার হিন্দোলা !
শীতের কুহেলি-ঢাকা বিষণ্ণ বয়ানে
কিসের করুণা মাথা ! কলের সিথানে
এলায়ে শিথিল দেহ আছ একা শূয়ে,
বিশীর্ণ কপোল বালু-উপাধানে পুয়ে !
তোমার কলঙ্কী বঁধু চাঁদ ডুবে যায়
তেমনি উঠিয়া দূর গগন-সীমায়,
ছায়া এসে পড়ে তার তোমার মুকুরে,
কায়াহীন মায়াবীর মায়া বুকে পরে'
ফুলে ফুলে কূলে কূলে কাঁদ অভিমানে,
আছাড়ি' তরঙ্গ-বাহু ব্যর্থ শূন্য পানে!
যে কলঙ্কী নিশিদিন ধায় শূন্য পথে—
সে দেখে না, কোথা কোন্ বাতায়ন হ'তে,
কে তা'রে চাহিছে নিতি ! সে খুঁজে বেড়ায়
বুকের প্রিয়ারে ত্যজি' পথের প্রিয়ায় !

ভয় নাই বন্ধু ওগো, আসিনি জানিতে
অন্ত তব, পেতে ঠাই অন্তহীন চিতে !

চাঁদ না সে চিতা জ্বলে তব উপকূলে—
কি হবে জানিয়া মোর? কার চিত্তমূলে
কে কবে ডুবিয়া হায়, পাইয়াছে তল?
এক ভাগ ধল সেথা, তিন ভাগ জল?

এসেছি দেখিতে তা'রে সেদিন বর্ষায়
খেলিতে দেখেছি যারে উদ্গাম লীলায়
বিচিত্র তরঙ্গ-ভঙ্গে ! সেদিন শ্রাবণে
ছলছল জল-চুড়ি-বলয়-কঙ্কণে
শুনিয়াছি যে সঙ্গীত, যায় তালে তালে
নেচেছে বিজলী মেঘে, শিখী নীপ-ডালে !
যায় লোভে অতি দূর অন্তদেশ হ'তে
ছুটে এসেছিনু এই উদয়ের পথে !—

ওগো মোর লীলা-সাথী অতীত বর্ষার,
আজিকে শীতের রাতে নব অভিসার !
চ'লে গেছে আজ সেই বরষার মেঘ,
আকাশের চোখে নাই অশ্রুর উদ্বেগ,
গরজে না গুরু গুরু গগনে সে বাজ,
উড়ে গেছে দূর বনে মধুরীরা আজ,
রোয়ে রোয়ে বহে না ক' পূবালী বাতাস,
ধসে না ঝাউয়ের শাখে সেই দীর্ঘশ্বাস,
নাই সেই চেয়ে'-ধাকা বাতায়ন খুলি'
সেই পথে—মেঘ যথা যায় পথ জুলি' !
না মানিয়া কাজলের হলনা নিষেধ
চোখ ছেপে জল বরা,—কপোলের বেদ
মুছিবার ছলে আঁখি-জল মোছা সেই,
নেই বন্ধু, আজি তার স্মৃতিও সে নেই !

ধর ধর কাঁপে আজ শীতের বাতাস,
সেদিন আশার ছিল যে দীর্ঘ-শ্বাস—
আজ তাহা নিরাশায় কেঁদে বলে, হায়,—

“ওরে মৃত, যে চায় সে চিরতরে যায় ।
 যাহারে রাখিবি তুই অন্তরের তলে
 সে যদি হারায় কড় সাগরের জলে
 কে তাহারে ফিরে পায়? নাই, ওরে নাই,
 অকূলের কূলে তা’রে খুঁজিস্ বৃথাই!
 যে-ফুল ফোটেনি ওরে তোর উপবনে
 পূবালী হাওয়ার স্বাসে বরষা-কাঁদনে,
 সে ফুল ফুটিবে না রে আজ শীত-রাতে,
 দু’ফোঁটা শিশির আর অশ্রুজন-পাতে !”

আমার সান্ত্বনা নাই জানি বন্ধু জানি,
 শুনিতে এসেছি তবু—যদি কানাকানি
 হয় তব কূলে কূলে আমার সে ডাক!
 এ কূলে বিরহ-রাতে কাঁদে চক্রবাক,
 ও-কূলে শোনে কি তাহা চক্রবাকী তার?
 এ বিরহ একি শুধু বিরহ একার?

কুহেলি-গুষ্ঠন টানি’ শীতের নিশীথে
 ঘুমাও একাকী যবে, নিঃশব্দ সঙ্কীর্ণে
 ভ’রে গুঁঠে দশ দিক, সে নিশীথে জাগি’
 ব্যথিয়া গুঁঠে-না বুক কড় কারো লাগি’?
 গুষ্ঠন খুলিয়া কড় সেই আধ-রাতে
 ফিরিয়া চাহ না তব কূলে কল্পনাতে ?
 চাঁদ সে ত আকাশের, এই ধরা-কূলে
 যে চাহে তোমায় তারে চাহ না কি জ্বলে?

তব তীরে অগস্ত্যের সম ল’য়ে ত্বা
 ব’সে আছি, চলে’ যায় কত দিবা-নিশা !
 যাহারে করিতে পারি চুমুকেতে পান
 তার পদতলে বসি’ গাহি শুধু গান !
 জানি বন্ধু, ধরার মূৎপাত্ৰখানি
 ভরিতে নারিল যাহা—তা’রে আমি আনি’
 ধরিব না এ অধরে ! এ মম হিয়ার
 বিপুল শূন্যতা তাহে নহে ডরিবার !

আসিয়াছি কূলে আজ, কালা প্রাতে বু’রে
 কূল ছাড়ি চ’লে যাব দূরে বহু দূরে ।

বল বন্ধু, বল, জয় বেদনার জয় ।
 যে-বিরহে কূলে কূলে নাহি পরিচয়,
 কেবল অনন্ত জল অনন্ত বিচ্ছেদ,
 হৃদয় কেবলি হানে হৃদয়ে নিবেধ;
 যে-বিরহে গ্রহ-তারা শূন্যে নিশি দিন
 ঘুরে মরে; গৃহবাসী হ’য়ে উদাসীন—
 উচ্চা-সম ছুটে যায় অসীমের পথে,
 ছোট নদী দিশাহারা গিরিচূড়া হ’তে;
 বারে বারে ফোটে ফুল কন্টক-শাখায়,
 বারে বারে ছিড়ে যায়, তবু না ফুরায়
 মালা-পাঁথা যে-বিরহে, যে-বিরহে জাগে
 চকোরী আকাশে আর কুমুদী তড়াগে;
 তব বৃকে লাগে নিতি জোয়ারের টান,
 যে-বিষ পিইয়া কণ্ঠে ফুটে গুঁঠে গান—
 বন্ধু, তার জয় হোক ! এই দুঃখ চাহি’
 হয়ত আসিব পুনঃ তব কূল বাহি’ ।
 হেরিব নতুন রূপে তোমারে আবার,
 গাহিব নতুন গান । নব অশ্রুহার
 গাঁথিব গোপনে বসি’ । নয়নের ঝারি
 বোঝাই করিয়া দিব তব তীরে ডারি ।
 হয়ত বসন্তে পুনঃ তব তীরে তীরে
 ফুটিবে মঞ্জরী নব শূক তরু-শিরে ।
 আসিবে নতুন পাখী শূন্যইতে গীতি,
 আসিব না শুধু একা তব এ অভিধি !

যে-দিন ও-বৃকে তব শূকইবে জল,
 নিদারুণ রৌদ্র-দাহে ধু ধু মরুতল
 পুড়িবে একাকী তুমি মরুদ্যান হ’য়ে
 আসিব সেদিন বন্ধু, মম শ্রেম ল’য়ে!
 আঁখির দিগন্তে মোর কুহেলি ঘনায়,
 বিদায়ের বংলী বাজে, বন্ধু গো বিদায় !

পথচারী

কে জানে কোথায় চলিয়াছি ভাই মুসাফির পথচারী,
দু'ধারে দু'কূল দুঃখ-সুখের—মাঝি আমি শ্রোত-বারি !
আপনার বেগে আপনি ছুটেছি জন্ম-শিখর হ'তে
বিরাম-বিহীন রাত্রি ও দিন পথ হতে আন-পথে ।
নিজ বাস হ'ল চির-পরবাস, জন্মের ক্ষণপরে
বাহিরিনু পথে গিরি-পর্বতে—ফিরি নাই আর ঘরে।
পলাতকা শিশু জন্মিয়াছিনু গিরি-কন্যার কোলে,
বুকে না ধরিতে চকিতে ত্বরিতে আসিলাম ছুটে চ'লে ।

জননীয়ে জুলি' সে পথে পলায় যুগ-শিশু বাঁশী শূনি',
যে পথে পলায় শশকেরা শূনি' ঝর্ণার ঝুন্ঝুনি;
পাখী উড়ে' যায় ফেলিয়া কুলায় সীমাহীন নভোপানে,
সাগর ছাড়িয়া মেঘের শিশুরা পলায় আকাশ-যানে,—
সেই পথ ধরি' পলাইনু আমি । সেই হ'তে ছুটে চলি
গিরি সন্নী মাঠ পল্লীর বাট সোজা বাঁকা শত গলি ।

— কোন্ গ্রহ হ'তে ছিড়ি'
উদ্ধার মত ছুটেছি বাহিয়া সৌর-লোকের সিঁড়ি।

আমি ছুটে' যাই জানি না কোথায়, ওরা মোর দুই তীরে
রচে নীড়, ভাবে উহাদেরি তরে এসেছি পাহাড় চিরে' ।
উহাদের বধু কলস ভরিয়া নিয়ে যায় মোর বারি,
আমার গহনে গাহন করিয়া বলে সন্তাপ-হারী ।
উহারা দেখিল কেবলি আমার সলিলের শীতলতা,
দেখে নাই জ্বলে কত চিতাঙ্গি মোর কূলে কূলে কোথা।

— হায়, কত হতভাগী—

আমিই কি জানি— মরিল ডুবিয়া আমার পরশ মাগি'!
বাজিয়াছে মোর তটে-তটে জানি ঘটে-ঘটে কিষ্কিনী,
জল-তরঙ্গে বেজেছে বধুর মধুর রিনিকি ঝিনি ।
বাজায়েছে বেণু রাখাল-বালক তীর-ভরন'তলে বসি',
আমার সলিলে হেরিয়াছে মুখ দূর আকাশের শশী ।

জানি সব জানি ওরা ডাকে মোরে দু'তীরে বিছায়ে স্নেহ,
দীঘি হতে ডাকে পদ্মমুখীরা, 'বির হও বাঁধি' গেহ !

আমি বয়ে যাই— বয়ে যাই আমি কুলুকুলু কুলুকুলু,
শূনি না— কোথায় মোরই তীরে হায় পুরনারী দেয় উলু !
সদাগর-জাদী মণি-মাণিক্যে বোঝাই করিয়া তরী
ভাসে মোর জ্বলে,— “ছল ছল” বলে আমি দূরে যাই সরি'।
আঁকড়িয়া ধরে' দু'তীর বৃথাই জড়ায়ে তন্তুলতা;
ওরা দেখে নাই আবর্ত মোর, মোর অন্তর-ব্যথা ।

লুকাইয়া আসে গোপনে নিশীথে কূলে মোর অভাগিনী,
আমি বলি চল্ ছল্ ছল্ ছল্ ওরে বধু তোরে চিনি !
কূল ছেড়ে আয় রে অভিসারিকা, মরণ-অকূলে ভাসি !
তোর তীরে-তীরে আজো খুঁজে ফিরে তোরে ঘরছাড়া বাঁশী ।
সে পড়ে বাঁপায়ে জ্বলে,
আমি পথে ধাই— সে কবে হারায় স্মৃতির বালুকা-তলে !

জানি না ক' হায় চলেছি: কোথায় অজানা আকর্ষণে,
চলেছি যতই তত সে অথই বাড়ে জল খনে খনে ।
সমুখ-টানে ধাই অবিরাম, নাই নাই অবসর,
ছুইতে হারাই—এই আছে নাই— এই ঘর এই পর !
ওরে চল্ চল্ ছল্ ছল্ কি হবে ফিরায়ে আঁধি?
তোরি তীরে ডাকে চক্রবাকেরে তোরি সে চক্রবাকী !

ওরা সন্ধ্যায় ঘরে ফিরে' যায় কূলের কুলায়-বাসী,
আঁচল ভরিয়া কুড়িয়ে আমার কাদায়-ছিটানো হাসি !
ওরা চ'লে যায়, আমি জাগি হায় লয়ে চিতাঙ্গি শব,
ব্যথা-আবর্ত মোচড় খাইয়া বুকে করে কলরব !
ওরে বেনোজল, ছল্ ছল্ ছল্ ছুটে' চল্ ছুটে' চল্ !
হেথা কাদাজল পঙ্কিল তেরে করিতেছে অবিরল ।
কোথা পাবি হেথা লোনা আঁখিজল, চল্ চল্ পথচারী !
করে গ্রহীক্ষা তোর তরে লোনা সাত-সমুদ্র বারি।

মিলন-মোহানায়

হায় হাবা মেয়ে, সব ভুলে গেলি দয়িতের কাছে এসে !
এত অভিমান এত ক্রন্দন সব গেল জলে ভেসে ।
কূলে কূলে এত ফুলে ফুলে কাদা আছাড়ি' পিছাড়ি তোর,
সব ভুলে' গেলি যেই বৃকে জেগে টেনে নিল মনোচোর ।
সিন্ধুর বৃকে লুকাইলি মুখ এমনি নিবিড় ক'রে,
এমনি করিয়া হারাইলি তুই আপনারে চিরভরে—
যে দিকে তাকাই নাই তুই নাই ! তোর বন্ধুর বাহু
গ্রাসিয়াছে তোরে বৃকের পাজরে—ক্ষুধাতুর কাল বাহ !

বিরহের কূলে অভিমান যার এমন ফেনায়ে উঠে,
মিলনের মুখে সে ফিরে এমনি পদতলে পড়ে লু'টে?
এমনি করিয়া ভাঙিয়া পড়ে কি বৃক-ভাঙা কান্নায়,
বৃকে বৃক রেখে নিবিড় বাঁধনে পিষে গুঁড়ো হয়ে যায়?
তোর বন্ধুর আঙুলের ছোঁওয়া এমনি কি যাদু জানে,
আবেশে গলিয়া অধর তুলিয়া ধরিলি অধর পানে।
একটি চুমায় মিটে গেল তোর সব সাধ সব ত্যাগ,
ছিন্ন লতার মতন মুরছি' পড়িলি হারিয়ে দিশা!
— একটি চুমায় লাগি'
এতদিন ধ'রে এত পথ বেয়ে এলি কি রে হতভাগী?

গাঙ-চিল আর সাগর-কপোত মাছ ধরিবার ছলে,
নিলাঞ্জী লো, তোর রঙ্গ দেখিতে বাঁপ দিয়ে পড়ে জলে ।
দু'ধারের চর অবাধ হইয়া চেয়ে আছে তোর মুখে,
সবার সামনে লুকাইলি মুখ কেমনে ঝঁধুর বৃকে?
নীলিম আকাশ ঝঁকিয়া পড়িয়া মেঘ-গুপ্তন ফেলে'
বৌ-ঝির মত উঁকি দিয়ে দেখে কুতূহলী-আঁখি মেলে ।
"সাম্পান"- মাঝি ঝুঁজে' ফেরে তোরে ভাটিয়ালী গানে কাঁদি',
ঝুঁজিয়া নাকাল দু'ধারের খাল— তার হেরেমের বাদি !
হায় ভিখারিণী মেয়ে,
ভুলিলি সবারে, ভুলিলি আপনা দয়িতের বৃকে পেয়ে !
তোরি মত নদী আমি নিরবধি কাঁদি রে প্রীতম লাগি' !
জন্ম-শিখর বাহিয়া চলেছি ভাহারি মিলন যাগি' !

যার তরে কাঁদি— ধার ক'রে তারি জোয়ারের লোনা জল
তোর মত মোর জাগে না রে কড়ু সাধের কাঁদন-হল ।
আমার অশ্রু একাকী আমার, হয়ত পোপনে রাতে
কাঁদিয়া ভাসাই, ভেসে ভেসে যাই মিলনের মোহানাতে,
আদিয়া সেখায় পুনঃ ফিরে যাই ।— তোর মত সব ভুলে'
লুটায় পড়ি না— চাহে না যে মোরে তারি রাক্তা পদমূলে !
যারে চাই তা'রে কেবলি এড়াই কেবলি দি' তারে ফাঁকি;
সে যদি জুলিয়া আঁখি পানে চায় ফিরাইয়া লই আঁখি!
—তার তীরে যবে আসি

অশ্রু-উৎসে পাষণ চাপিয়া অকারণে শুধু হাসি।
অভিমনে মোর আঁখিজল জমে করকা-বৃষ্টি সম,
যারে চাই তারে আঘাত হানিয়া ফিরে যায় নিরর্মম !

একা মোর প্রেম ছুটিবে কেবলি নীচু প্রান্তর বেয়ে,
সে কভু উর্ধ্বে আসিবে না উঠে আমার পরশ চেয়ে—
চাহি না তাহারে ! বৃকে চাপা থাক আমার বৃকের ব্যথা,
যে বৃক শূন্য নহে মোরে চাহি'— হব না ক' ভাঙ্গ সেখা !
সে যদি না ভাকে কি হবে ডুবিয়া ও-গভীর কালাে নীরে,
সে হউক সুখী, আমি রচে যাই স্মৃতি-ভাজ তার তীরে !
মোর বেদনার মুখে চাপিয়াছি নিতি যে পাষণ-ভার
তা দিনে রচিব পাষণ-দেউল সে পাষণ- দেবতার!

কত শ্রোতধারা হারাইছে কুল তার জলে নিরবধি,
আমি হারালাম বালুচরে তার, গোপন-ফল্গুনদী ।

গানের আড়াল

তোমার কণ্ঠে রাখিয়া এসেছি মোর কণ্ঠের গান—
এইটুকু শুধু র'বে পরিচয়? আর সব অবসান?
অস্তর-তলে অস্তরতর যে ব্যথা লুকায় রয়,
গানের আড়ালে পাও নাই তার কোনদিন পরিচয়?
হয় তো কেবলি গাহিয়াছি গান, হয়ত কহিনি কথা,
গানের বাণী যে শুধু কি বিলাস, মিছে তার আকুলতা ?
হৃদয়ে কখন জাগিল জোয়ার, তাহারি প্রতিধ্বনি
কণ্ঠের তটে উঠেছে আমার অহরহ রণবাণি',—

উপকূলে বসে শুনেছ সে সুর, বোঝ নাই তার মানে ?
বৈধেনি হৃদয়ে সে সুর, দুনেছে দুল হয়ে শুধু কানে ?

হায়, ভেবে নাই পাই—

যে চাঁদ জাগালো সাগরে জোয়ার, সেই চাঁদই শোনে নাই
সাগরের সেই ফুলে ফুলে কাঁদা কূলে কূলে নিশিদিন ?
সুরের আড়ালে বৃহ্মা কাঁদে, শোলে নাই তাহা বীণ ?
আমার গানের মালার সুবাস ছুল না হৃদয়ে আসি ?
আমার বকের বাণী হ'ল শুধু তব কঠের ফাঁসি ?

বন্ধু গো যেয়ো ডূলে—

প্রভাতে যে হবে বাসি, সন্ধ্যায় রেখো না সে ফুল ডূলে !
উপবনে তব ফোটে যে গোলাপ—প্রভাতেই তুমি জানি
জানি, তার কাছে যাও শুধু তার গন্ধ-সুধমা লাগি' ।
যে কাটা-লভায় ফুটেছে সে-ফুল রক্তে ফাটিয়া পড়ি,
সারা জনমের ক্রন্দন যার ফুটিয়াছে শাখা ভরি—
দেখ নাই তারে ।—মিলন-মালার ফুল চাহিয়াছ তুমি,
তুমি খেপিয়াছ বাজাইয়া মোর বেদনার ঝুম্‌ঝুমি !

ভেলো মোর গান, কি হবে লইয়া এইটুকু পরিচয়,
আমি শুধু তব কঠের হার, হৃদয়ের কেহ নয় !
জানায়ো আমারে, যদি আসে দিন, এইটুকু শুধু যাচি—
কঠ পারায়ে হয়েছি তোমার হৃদয়ের কাছাকাছি !

তুমি মোরে ডুলিয়াছ

তুমি মোরে ডুলিয়াছ তাই সত্য হোক !
সেদিন যে জ্বলেছিল দীপালি-আলোক
তোমার দেউল জুড়ি—ফুল তাহা ডুল !
সেদিন ফুটিয়াছিল ফুল ক'রে ফুল
তোমার অঙ্গনে, প্রিয় ! সেদিন সন্ধ্যায়
তুলে পরেছিলে ফুল নোটন-খোঁপায় !

ডুল ক'রে তুলি' ফুল গাধি' বর-মালা
বেলাশেষে বারে বারে হয়েছ উভালি

হয়ত বা আর কারো লাগি' !....আমি ডু'লে
নিরুদ্দেশ তরী মোর তব উপকূলে
না চাহিতে বেঁধেছিনু, গেয়েছিনু গান,
নীলাভ তোমার আঁখি হয়েছিল ম্লান
হয়ত বা অকারণে ! গোধূলি-বেলায়
হয়ত বা অকারণে মনিমা স্নায়
তোমার ও-আঁখিতলে ! হয়ত তোমার
পড়ে মনে, কবে যেন কোন্ লোকে কার
বধু ছিলে; তারি কথা শুধু মনে পড়ে ।
—ফিরে যাও অতীতের লোকলোকান্তরে
এমনি সন্ধ্যায় বসি' একাকিনী গেহে!
দু'খানি আঁখির দীপ সুগভীর মেহে
জ্বলাইয়া থাক জাগি' তারি পথ চাহি' !
সে যেন আসিছে দূর তারালোক বাহি'
পারাইয়া অসীমের অনন্ত জিজ্ঞাসা,
সে দেখেছে তব দীপ, ধরণীর বাসা !

তারি লাগি' থাক বসি' নব বেশ পরি'
শাস্তত প্রতীক্ষমানা অনন্ত সুন্দরী !
হায়, সেখা আমি কেন বাঁধিলাম তরী,
কেন গাহিলাম গান আপনা পাসরি' ?
হয়ত সে গান মম তোমার ব্যথায়
বেজেছিল । হয়ত বা লেগেছিল পায়
আমার তরীর ডেউ । দিয়েছিল ধুয়ে
চরণ-অলক্ত তব । হয়ত বা ছুঁয়ে
গিয়েছিল কপোলের আকুল কুণ্ডল
আমার বকের স্বাস । ও-মুখ-কমল
উঠেছিল রাঙা হয়ে' । পথের কেশর
ছুঁইলে দখিনা বায়, কাঁপে থরথর
যেমন কমল-দল ভঙ্গুর মৃগালে
সলাজ সন্ধ্যাে সুখে পল্লব-আড়ালে,
তেমনি ছোঁওয়ায় মোর শিহরি' শিহরি'
উঠেছিলে বারে বারে সারা দেহ ভরি' !

চেয়েছিলে আঁখি তুলি', ডেকেছিলে যেন
 প্রিয় নাম ধরে মোর— তুমি জান, কেন !
 তরী মম ভেসেছিল যে নয়ন-জলে
 কূল ছাড়ি' নেমে এলে সেই সে অতলে ।
 বলিলে,— "অজানা বন্ধু, তুমি কি গো সেই,
 জ্বালি দীপ গাঁথি মালা যার আশাতেই
 কূলে বসে একাকিনী যুগ যুগ ধরি'?"
 নেমে এসে বন্ধু মোর ঘাটে বাঁধ তরী !"

বিশ্বেরে রহিনু চাহি' ও-মুখের পানে
 কী যেন রহস্য তুমি— কী যেন কে জানে —
 কিছুই বুঝিতে নারি! আহ্বানে তোমার
 কেন জাগে অভিমান, জোয়ার দুর্বীর
 আমার আঁখির এই গঙ্গা যমুনা—
 নিরুদ্দেশ যাত্রী, হায়, আসিলি কোথায়?
 একি তোর ধ্যেয়ানের সেই ষাদুলোক;
 কল্পনার ইন্দ্রপুরী ? একি সেই চোখ
 প্রবতারা সম যাহা জ্বলে নিরন্তর
 উর্ধ্বে তোর? সপ্তর্ষির অনন্ত বাসর?
 কাব্যের অমরাবতী? একি সে ইন্দিরা,
 তোরি সে কবিতা-লক্ষ্মী?— বিরহ-অধীরা
 একি সেই মহাশেষতা, চন্দ্রাধীড়-প্রিয়া ?
 উন্মাদ ফর্হাদ যারে পাহাড় কাটিয়া
 সৃজিতে চাহিয়াছিল— একি সেই শিরী ?
 লায়লি এই কি সেই, আসিয়াছে কিরি'
 কায়েসের খোঁজে পুনঃ? কিছু নাহি জানি !
 অসীম জিজ্ঞাসা শুধু করে কানাকানি
 এপারে ও-পারে, হায় !..... 'তুমি তুলি' আঁখি
 কেবলি চাহিতেছিলে ! দিনান্তের পাখী
 বনান্তে কাঁদিতেছিল— "কথা কও বউ !"
 ফাণ্ডন ঝুরিতেছিল ফেলি' ফুল-মউ !

কাহারে ঝুঁজিতেছিলে আমার এ চোখে
 অবসান-গোধূলির মলিন আলোকে?

জিজ্ঞাসার, সন্দেহের শত আলো-ছায়া
 ও-মুখে সৃজিতেছিল কী যেন কি মায়া!
 কেবলি রহস্য হায়, রহস্য কেবল,
 পার নাই সীমা নাই অগাধ অতল।
 এ যেন স্বপনে-দেখা কবেকার মুখ,
 এ যেন কেবলি সুখ কেবলি এ দুখ !
 ইহারে দেখিতে হয়— ছোঁওয়া নাহি যায়
 এ যেন মন্ডার-পুষ্প দেব-অলঙ্কার !
 ইহারি ফুলিল যেন হেরি রূপে রূপে,
 নিশীথে এ দেবা দেয় যেন চুপে চুপে,
 যখন সব্বারে ডুলি। ধরার বন্ধন
 যখন ছিড়িতে চাহি, স্বর্গের স্বপন
 কেবলি ডুলাতে চায়, এই সে আসিয়া
 রূপে রূপে গন্ধে গানে কাঁদিয়া হাসিয়া
 আঁকড়ি' ধরিতে চাহে,— মাটির মমতা!
 পরান-পোড়ানী শুধু, জ্বলে না ক' কথা!
 বুকে এর জাষা নাই, চোখে নাই জল,
 নির্বাক ইস্তিত শুধু শান্ত অচপল।
 এ বুঝি গো ডাকরের পায়াল-মানসী
 সুন্দর, কঠিন, শক্ত। ভোরের উষসী,
 দিনের আলোর তাপ সহিতে না জানে।
 মাঠের উদাসী সুর বাঁশরীর ভানে,
 বাণী নাই, শুধু সুর, শুধু আকুলতা,
 ভাষাহীন আবেদন দেহ-ভরা কথা
 এ যেন চেনার সাথে অচেনার মিশা,—
 যত দেখি তত হায় বাড়ে শুধু ত্যা।

আসিয়া বসিলে কাছে তত্ত্ব মুক্তানন,
 মনে হ'ল—আমি দীঘি তুমি পদ্মবন।
 পূর্ণ হইলাম আজি, হয় হোক জ্বল,
 যত কাঁটা তত ফুল, কোথা এর তুল ?
 তোমারে ঘিরিয়া র'ব আমি কালো জল,
 তরঙ্গের উর্ধ্বে র'বে তুমি শতদল,
 পূজারীর পুষ্পাজলি সম। নিশিদিন

কাঁদিব ললাট হানি' তীরে ভুঞ্জিহীন।
তোমার মৃগাল-কাঁটা আমার পরানে
লুকায় রাবিব, যেন কেহ নাহি জানে।
.... কত কি যে কহিলাম অর্ধহীন কথা,
শত যুগ-যুগান্তের অন্তহীন স্বাধা।

শুনিলে সে সব জাগি' বসিয়া শিয়রে,
বলিলে, “ বন্ধু গো, হের দীপ পু'ড়ে মরে
তিলে তিলে আমাদের সাথে! আর নিশি
নাই বুঝি, দিবা এলে দূরে যাব মিশি' !
আমি শুধু নিশীথের ! যখন ধরণী
নীলিমা-মঞ্জুষা খুলি' হেরে মুক্তামণি
বিচিত্র নক্ষত্রমালা— চন্দ্র-দীপ জ্বালি',
একাকী পাপিয়া কাঁদে 'চোখ গেল' খালি,
আমি সেই নিশীথের !—আমি কই কথা,
যবে শুধু ফোটে ফুল, বিশ্ব তন্দ্রাহতা।
হয়ত দিগন্তে এলে নারিব চিনিতে,
তোমায়ে করিব হেলা, তব ব্যথা-গীতে
কেবলি পাইবে হাসি সবার সুমুখে,
কাঁদিলে হাসিব আমি সরল কৌতুকে,
মুছাব না আঁখি-জল। বলিব সবায়,
'তুমি শান্তনের মেঘ— যথায় তথায়
কেবলি কাঁদিয়া ফের, কাঁদাই স্বভাব !'
আমি ত কেতকী নহি, আমার কি লাভ
ওই শাওনের জলে? কদম্ব যুথীর
সখারে চাহি না আমি। শ্বেত-করবীর
সখি আমি। হেমন্তের সান্ন্য-কুহেলিতে
দাঁড়াই দিগন্তে আসি', নিরশ্রু-সঙ্গীতে
ভ'রে ওঠে দশ দিক। আমি উদাসিনী।
মুসাফির ! তোমায়ে ত আমি নাহি চিনি !”

ডাকিয়া উঠিল পিক দূরে আশ্রবনে
মুহুমুহু কুহকহু আকুল নিঃস্বনে।
কাঁদিয়া কহিনু আমি, 'শুন, সখি শুন,

কাতরে ডাকিছে পাখী কেন পুনঃ পুনঃ !
চ'লে যাব কোন দূরে, স্বরণের পাখী
তাই বুঝি কেঁদে ওঠে হেন থাকি' থাকি'।'
তোমারই কাজল আঁখি বেড়ায় উড়িয়া,
পাখী নয়—তব আঁখি ওই কোয়েলিয়া !”

হাসিয়া আমার বৃকে পড়িলে লুটায়,
বলিলে,— “ পোড়ারমুখী আশ্রবনচ্ছায়ে
দিবাশিশি ডাকে, শূ'নে কান ঝালাপালা !
জানি না ত কুহ-স্বরে বৃকে ধরে জ্বালা !
উহার স্বভাব এই, তোমারি মতন
অকারণে গাহে গান, করে জ্বালাতন !
নিশি না পোহাতে বসি' ব্যত্যয়ন-পাশে
হলুদ-চাঁপার ডালে, কেবলি বাতাসে
উহ উহ উহ করি' বেদনা জানায় !
বুঝিতে নারিনু আমি পাখী-ও তোমায় !”
নয়নের জল মোর গেল তলাইয়া
বৃকের পায়ণ-তলে। উৎসারিত হিয়া
সহসা হারাল ধারা তও মরু-মাঝে।
আপনারে অভিশ্যাপি ক্ষমাহীন লাজে!
কহিনু, “কে তুমি নারী, এ কী তব খেলা ?
অকারণে কেন মোর ডুবাইলে ভেলা,
এ অশু-পাথরে একা দিলে ডাসাইয়া?
দু'হাতে আনোন্দি' জল কূলে দাঁড়াইয়া,
অকরণা, হাস আর দাও করতালি !
অদূরে নৌবতে বাজে ইমন-জুপালি
তোমার তোরণ-ঘারে কাঁদিয়া কাঁদিয়া,
— তোমার বিবাহ বুঝি? ওই বাঁশুরিয়া
ডাকিছে বন্ধুরে তব ?” যুঝি' চেউ সনে
শুধানু পরান-পশে।..... তুমি আনমনে
বারেক পশ্চাতে চাহি' পড়িলে লুটায়
শ্রোতজলে, সাঁতরিয়া আসি' মম পাশে
“ আমিও ডুবিব সাথে” বলিয়া তরাসে

জড়িয়ে ধরিলে মোরে বাহুর বন্ধনে !....
 হইলাম অচেতন !..... কিছু নাই মনে
 কেমনে উঠিনু কূলে !..... কবে সে কখন
 জড়াইয়া ধরেছিলে মালার মতন
 নিশীথে পাথর-জলে,— শুধু এইটুকু
 সুখ-স্মৃতি ব্যথা সম চির-জাগরুক
 রহিল বৃকের তলে !..... আর কিছু নাই !....
 তোমারে খুঁজিয়া ফিরি এ-কূলে বৃথাই,
 হে চির-রহস্যময়ী ! ও-কূলে দাঁড়ায়ে
 তেমনি হাসিছ তুমি সান্ধ্য-বনচ্ছায়ে
 চাহিয়া আমার মুখে ! তোমার নয়ন
 বলিছে সদাই যেন, 'দুবিয়া মরণ
 এবার হ'ল না, সখা ! আজো যায় সাধ
 বাঁচিতে ধরার 'পরে । স্বপনের চাঁদ
 হয়ত বা দিবে ধরা জামত এ-লোকে,
 হয়ত নামিবে তুমি অশ্রু হয়ে চোখে,
 আসিবে পথিক-বন্ধু হয়ে প্রিয়তম
 বৃকের স্নায়ু মোর— পুষ্পে গন্ধ সম !
 অঞ্জলি হইতে নামি' তোমার পূজার
 জড়াইয়া র'ব বক্ষে হয়ে কর্তৃহার !
 নিশিথের বুক-চেরা ভব সেই স্বপ্ন,
 সেই মুখ সেই চোখ করুণা-কাতর
 পদ্মা-তীরে-তীরে রাতে আজো খুঁজে ফিরি !
 কত নামে ডাকি তোমা,— "মহাশ্বেতা, শিরী",
 লায়লি, বকৌলি, তাজ, দেবী, নারী প্রিয়া !"
 —সাড়া নাহি মিলে কারো ! ফুলিয়া ফুলিয়া
 বয়ে যায় মেঘনার তরঙ্গ বিপুল,
 কখনো এ-কূল ডাক্তে কখনো ও-কূল ।

পার হতে নারি এই তরঙ্গের বাধা,
 ও যেন "এসো না" ব'লে পায়ে-ধ'রে-কাঁদা
 তোমার নয়ন- স্রোত ! ও যেন নিষেধ,
 বিধাতার অভিশাপ, অনন্ত বিচ্ছেদ,

স্বর্গ ও মর্ত্যের মাঝে যেন যবনিকা !....
 আমাদের ভাগ্যে বৃষ্টি চিররাত্রি লিখা !....
 নিশিথের চখা-চখী, দুই পারে থাকি'
 দুইজনে দুই জন ফিরি সদা ডাকি' ।
 কোথা তুমি ? তুমি কোথা ? যেন মনে লাগে,
 কত যুগ দেখি নাই ! কত জন্ম আগে
 তোমারে দেখেছি কোন নদীকূলে গেহে,
 জ্বাল দীপ বিষাদিনী ক্লান্ত শ্রান্ত দেহে !
 বারে বারে কাঁপে কর, কাঁপে দীপশিখা,
 আঁখির নিমিখ কাঁপে, আকাশ-দীপিকা
 কাঁপে তারারাজি—যেন আঁখি-পাতা ভব,—
 এইটুকু পড়ে মনে ! কবে অভিনব
 উঠিলে বিকশি' তুমি আপনার মাঝে,
 দেখি নাই ! দেখিব না—কত বিনা কাজে
 নিজেরে আড়াল করি' রাখিছ সতত
 অপ্রকাশ সুগোপন বেদনার মত ।
 আমি হেথা কূলে কূলে ফিরি আর কাঁদি,
 কুড়িয়ে পাব না কিছু? বৃকে যাহা বাঁধি'
 তোমার পরশ পাব—একটু সান্ধনা !
 চরণ-অলঙ্ক-রাজা দু'টি বালুকণা,
 একটি নূপুর, মান বেণী-খসা ফুল,
 কবরীর সোঁদা-ঘষা পরিমল-ধূল,
 আধখানি ভাঙা চুড়ি রেশমী কাচের,
 দলিত বিশুদ্ধ মালা নিশি-প্রভাতের,
 তব হাতে লেখা মম প্রিয় ডাক-নাম
 লিখিয়া ছিড়িয়া-ফেলা আধখানি খাম,
 অঙ্গের সুরভি-মাখা ত্যক্ত তণ্ডু বাস,
 মহয়ার মদ সম মন্দির নিঃশ্বাস
 পূর্বের পরীস্থান হ'তে ভেসে-আসা,—
 কিছুই পাব না খুঁজি' ? কেবলি দুরাশা
 কাঁদিবে পুরান ঘিরি' ? নিরুদ্দেশ পানে
 কেবলি ভাসিয়া যাব শ্রান্ত ভাঁটি-টানে ?
 তুমি বসি' র'বে উর্ধ্বে মহিমা-শিখরে

নিশ্চয় পাষণ-দেবী ? কতু মোর তরে
 নামিবে না শ্রিয়া রূপে ধরার ধূলায় ?
 লো কৌতুকময়ী ! শুধু কৌতুক-লীলায়
 খেলিবে আমারে লয়ে ?—আর সবি ভুল ?
 ভুল ক'রে ফুটেছিল আঙিনায় ফুল ?
 ভুল ক'রে বলেছিলে “ সুন্দর ” ? অমনি—
 ঢেকেছে দু'হাতে মুখ ত্বরিতে তখনি ?
 বুঝি কেহ শুনিয়েছে, দেখিয়েছে কেহ
 ভাবিয়া আঁধার কোণে লীলায়িত দেহ
 লুকাওনি সুখে লাজে ? কোন্ শাড়িখানি
 পরেছিলে বাছি' বাছি' সে সন্ধ্যায় রানী ?

হয়ত ভুলেছ তুমি, আমি ভুলি নাই !
 যত ভাবি ভুল তাহা— তত সে জড়াই
 সে ভুলে সাপিনি সম বৃকে ও গলায় !
 বাসি লাগে ফুলমেলা !— ভুলের খেলায়
 এবার সোঁয়াব সব, করিয়াছি পণ ।
 হোক ভুল, হোক মিথ্যা, হোক এ স্বপন,
 —এইবার আপনারে শূন্য রিক্ত করি'
 দিয়া যাব মরণের আগে ! পাত্র ভরি'
 ক'রে যাব সুন্দরের করে বিষপান ।
 তোমারে অমর করি' করিব প্রয়াণ
 মরণের তীর্থ-যাত্রী !

ওগো বন্ধু, প্রিয়,
 এমনি করিয়া ভুল দিয়া ভলাইও
 বারে বারে জনো জনো গ্রহে গ্রহান্তরে !
 ও-আঁখি-আলোক যেন ভুল ক'রে পড়ে
 আমার আঁখির পরে । গোধূলি-লগনে
 ভুল ক'রে হই বর, তুমি হও ক'নে
 ঋণিকের লীলা লাগি' ! ঋণিক চমকি'
 অশ্রুর শ্রাবণ-মেঘে হারাইও সখি !...

তুমি মোরে জুলিয়াছ, তাই সত্য হোক !
 নিশি-শেষে নিভে গেছে দীপালি-আলোক !

সুন্দর কঠিন তুমি পরশ-পাথর,
 তোমার পরশ লভি' হইনু সুন্দর—
 —তুমি তাহা জানিলে না !

..... সত্য হোক শ্রিয়া

দীপালি জুলিয়াছিল— গিয়াছে নিভিয়া।

কলিকাতা

২০-৩-২৮

হিংসাতুর

হিংসাই শুধু দেখেছ এ চোখে? দেখ নাই আর কিছু?
 সম্মুখে শুধু রহিলে ভাকায়ে, চেয়ে' দেখিলে না পিছু !
 সম্মুখ হতে আঘাত হানিয়া চ'লে গেল যে-পথিক
 তার আঘাতেরি ব্যথা বৃকে ধ'রে জাগে আজো অনিমিত্ত?
 তুমি বুঝিলে না, হায়,
 কত অভিমানে বৃকের বন্ধ ব্যথা হেনে চ'লে যায় !
 আঘাত তাহার মনে আছে শুধু, মনে নাই অভিমান ?
 তোমারে চাহিয়া কত নিশি জাগি' গাহিয়াছে কত গান ?
 সে জেগেছে একা— তুমি ঘুমায়েছ বেড়ুল আপন সুখে,
 কাঁটার কুঞ্জে কাঁদিয়াছে বসি' সে আপন মনোদুখে,
 কুসুম-শয়নে শুইয়া আজিকে পড়ে না সে-সব মনে,
 তুমি ত জান না, কত বিষজ্বালা কষ্টক-দংশনে!

তুমি কি বুঝিবে বালা,

যে আঘাত করে বৃকের শ্রিয়ারে, তার বৃকে কত জ্বালা !

ব্যথা যে দিয়াছে— সম্মুখে ভাসে নির্মূর তার কায়া,
 দেখিলে না তব পশ্চাতে তারি অশ্রু-কাতর ছায়া !.....
 অপরাধ শুধু মনে আছে তার, মনে নাই কিছু আর ?
 মনে নাই, তুমি দলেছ দু'পায়ে কবে কার ফুলহার !

কাঁদায়ে কাঁদিয়া সে রচেছে তার অশ্রুর গড়'খাই,
 পার হতে তুমি পারিলে না তাহা, সে-ই অপরাধী তাই?
 সে-ই ভালো, তুমি চিরসুখী হও, একা সে-ই অপরাধী !
 কি হবে জানিয়া, কেন পথে পথে মরুচারী ফেরে কাঁদি' !

হয়ত তোমারে করেছে আঘাত, তবুও শূধাই আজি,
আঘাতের পিছে আরো—কিছু কিগো ও-বুকে ওঠেনি বাজি'?
মনে তুমি আজ করিতে পার কি—তব অবহেলা দিয়া
কত সে কঠিন করিয়া তুলেছ তাহার কুসুম-হিয়া ?
মানুষ তাহারে করেছে পাষণ—সেই পাষণের ঘায়
মুরছায়ে তুমি পড়িতেছ ব'লে সেই অপরাধী, হায় ?

তাহারি সে অপরাধ—

যাহার আঘাতে ভাঙিয়া গিয়াছে তোমার মনের বাঁধ ।

কিন্তু কেন এ অভিযোগ আজি? সে ত গেছে সব ডুলে!
কেন তবে আর রুদ্ধ দুয়ার ঘা দিয়া দিতেছ খুলে'?
শুধু যে-মালা আজিও নিরালা যত্নে রেখেছে জ্বলি'
স্বরায়ো না আর নাড়া দিয়ে তার পবিত্র ফুলগুলি ।
সেই অপরাধী, সেই অমানুষ, যত পার দাও গালি!
নিভেছে যে-ব্যথা দয়া ক'রে সেথা আগুন দিও না জ্বালি' !
“মানুষ” “মানুষ” শূ'নে শূ'নে নিতি কান হ'ল বালাপালা ।
তোমরা তাহেই অমানুষ বল—পায়ে দল যার মালা !
তারি অপরাধ—যে তার প্রেম ও অশ্রুর অপমানে
আঘাত করিয়া টুটায় পাষণ অশ্রু-নিঝর আনে !

কবি অমানুষ—মানিলাম সব । তোমার দুয়ার ধরি'
কবি না মানুষ কেঁদেছিল প্রিয় সেদিন নিশিখ ভরি'?
দেখেছ স্বর্ধা—পড়ে নাই চোখে সাগরের এত জল?
শুকালে সাগর—দেখিতেছ তার সাহারার মরুতল ।
হয়ত কবিই গেয়েছিল গান, সে কি শুধু কথা—সুর ?
কাঁদিয়াছিল যে—তোমারি মত সে মানুষ বেদনাডুর !

কবির কবিতা সে শুধু খেয়াল? তুমি বুঝিবে না, রানী,
কত জ্বাল দিলে উনুনের জলে ফোটে বুদ্ধ-বাণী !
তুমি কি বুঝিবে, কত ক্ষ'ত হ'য়ে বেগুর বৃকের হাড়ে
সুর ওঠে, হায় কত ব্যথা কাঁদে সুর-বাঁধা বীণা-তারে ।

সেদিন কবিই কেঁদেছিল শুধু? মানুষ কাঁদেনি সাথে ?
হিংসাই শুধু দেখেছ, দেখনি অশ্রু নয়ন-পাতে ?
আজো সে ফিরিছে হাসিয়া গাহিয়া ?—হায়, তুমি বুঝিবে না,
হাসির ফুর্তি উড়ায় যে—তার অশ্রুর কত দেনা !

বর্ধা-বিদায়

ওগো বাদলের পরী !

যাবে কোন দূরে, ঘাটে বাঁধা তব কেতকী পাতার তরী !
ওগো ও ক্ষণিকা, পূব-অভিসার ফুরাল কি আজি তব?
পহিলু ভাদরে পড়িয়াছে মনে কোন দেশ অভিনব?

তোমায় কপোল-পরশ না পেয়ে পাণ্ডুর কেয়া-বেগু,
তোমারে স্মরিয়া ভাদরের ভরা নদীতটে কাঁদে বেগু ।

কুমারীর ভীর্ণ বেদনা-বিধুর প্রণয়-অশ্রু সম
ঝরিছে শিশির-সিক্ত শেফালি নিশি-ভোরে অনুপম ।

ওগো ও কাজল-মেয়ে,

উদাস আকাশ ছলছল চোখে তব মুখে আছে চেয়ে' !
কাশফুল সম শূ'ত ধবল রাশ রাশ স্বেত মেঘে
তোমার স্তরীর উড়িতেছে পাল উদাস বাতাস লেগে' ।

ওগো ও জলের দেশের কন্যা ! তব ও বিদায়-পথে
কাননে কাননে কদম-কেশর ঝরিছে প্রভাত হ'তে ।
তোমার আদরে মুকুলিতা হয়ে উঠিল যে বল্লরী
তরুর কণ্ঠ জড়াইয়া তা'রা কাঁদে দিবানিশি ভরি' ।

'বৌ-কথা-কণ্ঠ' পাখী

উড়ে গেছে কোথা, বাতায়নে বৃথা বউ করে ডাকাডাকি ।
চাঁপার গেলাস গিয়াছে ভাঙিয়া, পিয়াসী মধুপ এসে'
কাঁদিয়া কখন গিয়াছে উড়িয়া কমল-কুমুদী-দেশে ।

তুমি চলে যাবে দূরে,

ভাদরের নদী দুকুল ছাপায়ে কাঁদে ছলছল সুরে,

যাবে যবে দূর হিম-গিরি-শিরে, ওগো বাদলের পরী,
ব্যথা ক'রে বুক উঠিবে না কভু সেথা কাহারেও স্মরি'
সেথা নাই জল, কঠিন তুষার নির্মম শূ'ভতা,—
কে জানে কী ভাল বিধুর ব্যথা—না মধুর পবিত্রতা!

সেথা মহিমার উর্ধ্ব শিখরে নাই তরলতা হাসি,
সেথা রজনীর রজনীগন্ধা প্রভাতে হয় না বাসি ।
সেথা যাও তব মুখের পায়ের বরষা-মুপূর খুলি',
চলিতে চকিতে চমকি' উঠ না, কবরী ওঠে না দু'লি' ।
সেথা র'বে তুমি ধেয়াল-মগ্না তাপসিনী অচপল,
তোমায় আশায় কাঁদিবে ধরায় তেমনি "ফটিক জল" ।

সাজিয়াছি বর মৃত্যুর উৎসবে

দেখা দিলে রাজা মৃত্যুর রূপে এতদিনে কি গো রানী ?
মিলন-গোধূলি-লগনে শুনালে চির-বিদায়ের বাণী ।

যে ধূলিতে ফুল ঝরায়ে পবন
রচিলে সেথায় বাসর-শয়ন,

বারেক কপালে রাখিয়া কপাল, ললাটে কাঁকন হানি'
দিলে মোর ' পরে স করণ করে কৃষ্ণ কাফন টানি' ।

নিশি না পোহাতে জাগায়ে বলিলে, 'হ'ল যে বিদায় বেলা !'
তব ইঙ্গিতে ও-পার হইতে এপারে আসিল ভেলা ।

আপনি সাজালে বিদায়ের বেশে
আঁখি-জল মম মুছাইলে হেসে,
বলিলে, 'অনেক হইয়াছে দেবী, আর জমিবে না খেলা !'
সকলের বৃকে পেয়েছ আদর, আমি দিনু অবহেলা !'

'চোখ গেল উহ চোখ গেল' ব'লে কাঁদিয়া উঠিল পাখী,
হাসিয়া বলিলে, 'বন্ধু, সত্যি চোখ গেল ওর না কি ?'

অকুল ঝুশু-সাগর-বেলায়
শুধু বালু নিয়ে যে-জন খেলায়,
কি বলিব তারে, বিদায়-খনেও ডিজিল না যার আঁখি ।
খসিয়া উঠিল নিশীথ সমীর, 'চোখ গেল' কাঁদে পাখী !

দেখিনু চাহিয়া ও মুখের পানে-নিরশ্রু নিছুর ।
বৃকে চেপে কাঁদি, প্রিয় ওগো প্রিয়, কোথা তুমি কত দূর ?
এত কাছে তুমি গলা জড়াইয়া
কেন হুহু ক'রে ওঠে তবু হিয়া,

কী যেন কী নাই কিসের অভাব এ বৃকে ব্যথা-বিধুর ।
চোখ-ভরা জল, বৃক-ভরা কথা, কঠে আসে না সুর ।

হেনার মতন বক্ষে গিঘিয়া করিনু তোমারে লাল,
ঢলিয়া পড়িলে দলিত কমল জড়ায়ে বাহু-মুগাল ।
কৈদে বলি, 'প্রিয়া, চোখে কই জল ?
হ'ল না ত মান চোখের কাজল !'
চোখে জল নাই—উঠিল রক্ত—সুন্দর কঙ্কাল !
বলিলে, 'বন্ধু, চোখেরই ত জল, সে কি রহে চিরকাল ?'

ছল ছল ছল কৈদে চলে জল, ভাঁটি-টানে ছুটে তরী,
সাপিনীর মত জড়াইয়া ধর শশীহীন শর্বরী ।
কূলে কূলে ডাকে কে যেন, 'পথিক,
আজও রাজা হয়ে ওঠেনি ত দিক !

অভিমানী মোর । এখনি ছিঁড়িবে বাঁধন কেমন করি' ?
চোখে নাই জল—বক্ষের মোর ব্যথা ত যায়নি মরি !'
কেমনে বুঝাই—এত হাসি গাই তবু কাঁদে কেন হিয়া !

আছে তব বৃকে করুণার ঠাই,
স্বর্গের দেবী—চোখে জল নাই !
কত জীবনের অভিশাপ এ যে, কতবার জনমিয়া—
পারিজাত-মালা ছুঁইতে শূকালে—হানাইলে দেখা দিয়া ।

বার্ষ মোদের গোধূলি-লগন এই সে জনমে নহে,
বাসর-শয়নে হারায়ে তোমায় পেয়েছি চির-বিরহে !

কত সে লোকের কত নদনদী
পারায়ে চলেছি মোরা নিরবধি,
মোদের মাঝারে শত জনমের শত সে জলধি বহে ।
বারে-বারে জ্ববি বারে-বারে উঠি জন-মৃত্যু-দহে !
বারে বারে মোরা পাষাণ হইয়া আপনারে থাকি জ্বলি,
ক্ষণেকের তরে আসে কবে ঝড়, বন্ধন যায় খুলি' ।

সহসা সে কোন্ সন্ধ্যায়, রানী,
চকিতে হয় গো চির-জানাজানি !
মনে প'ড়ে যায় অভিশাপ-বাণী, উ'ড়ে যায় বুলবুলি ।
কৈদে কও, প্রিয়, হেথা নয়, হেথা লাগিয়াছে বহু ধূলি ।'
মুছি' পথধূলি বৃকে ল'বে জ্বলি' মরণের পারে কবে,
সেই আশে, প্রিয়, সাজিয়াছি বর মৃত্যুর উৎসবে ।

কে জানিত হায় মরণের মাঝে
এমন বিয়ের নহবত বাজে !
নব-জীবনের বাসর-দুয়ারে কবে 'প্রিয়া' 'বধু' হবে—
সেই সুখে, প্রিয়, সাজিয়াছি বর মৃত্যুর উৎসবে !

অপরাধ শুধু মনে থাক

মোর অপরাধ শুধু মনে থাক !
আমি হাসি, তার আশুনে আমারি
অস্তর হোক পুড়ে' থাক !
অপরাধ শুধু মনে থাক !
নিশীথের মোর অশুর রেখা
প্রভাতে কপোলে যদি যায় দেখা,
তুমি পড়িও না সে গোপন লেখা,
গোপনে সে লেখা মুছে যাক!
অপরাধ শুধু মনে থাক !

এ উপহাস কলঙ্ক-উরা
তবু ঘুরে ফিরি' জোয়ারি এ ধরা,
লইয়া আপন দুখের পসরা
আপনি সে থাক ঘুরপাক!
অপরাধ শুধু মনে থাক !

জ্যোৎস্না তাহার তোমার ধরায়
যদি গো এতই বেদনা জাগায়,
তোমার বনের লতায় পাতায়
কালো মেঘে তার আলো ছা'ক ।
অপরাধ শুধু মনে থাক ।

তোমার পাখীর ডুলাইতে গান
আমি ত আসিনি, হানিনি ত বাণ,
আমি ত চাহিনি কোনো প্রতিদান,
এসে চলে গেছি নিরবাক!
অপরাধ শুধু মনে থাক !

কত তারা কাঁদে কত গ্রহে চেয়ে'
ছুটে দিশাহারা ব্যোমপথ বেয়ে;
তেমনি একাকী চলি গান গেয়ে'
তোমারে দিইনি পিছু-ডাক !
অপরাধ শুধু মনে থাক ।

কত স্বরে ফুল, কত খসে তারা,
কত সে পাষাণে শূকায় ফোয়ারা,
কত নদী হয় আধ-পথে হারা,
তেমনি এ স্মৃতি লোপ পা'ক ।
অপরাধ শুধু মনে থাক !

আভিনায় তুমি ফুটেছিলে ফুল
এ দূর পবন কব্বেছিল ডুল,
শ্বাস ফেলে চ'লে যাবে সে আঁকুল—
তব শাখে পাখী গান গা'ক ।
অপরাধ শুধু মনে থাক !
প্রিয়, মোর প্রিয়, মোরই অপরাধ,
কেন জেগেছিল এত আশা সাধ !
যত ভালোবাসা, তত পরমান,
কেন ছুঁইলাম ফুল-শাখা !
অপরাধ শুধু মনে থাক !

আলেয়ার মত নিভি, পুনঃ জ্বলি,
তুমি এসেছিলে শুধু কুতূহলী,
আলেয়াও কাঁদে কারো পিছে চলি—
এ কাহিনী নব মুছে যাক ।
অপরাধ শুধু মনে থাক !

আড়াল

আমি কি আড়াল করিয়া রেখেছি তব বন্ধুর মুখ?
না জানিয়া আমি না জানি কতই দিয়াছি তোমায়ে দুখ।

তোমার কাননে দখিলা পবন
এনেছিল ফুল পূজা-আয়োজন,

আমি এনু ঝড় বিধাতার ডুল—ভড়ুল করি' সব,
আমার অশ্রু মেঘে ভেসে গেল তব ফুল-উৎসব!
মন উৎপাতে হিঁড়েছে কি প্রিয়, বন্ধুর মণিহার?
আমি কি এসেছি তব মন্দিরে দস্যু ভাঙিয়া দ্বার?

আমি কি তোমার দেবতা-পূজার
হুড়ায় ফেলেছি ফুল-সম্ভার?

আমি কি তোমার স্বর্গে এসেছি মর্ত্যের অভিশাপ?
আমি কি তোমার চন্দ্রের বৃকে কালো কলঙ্ক-ছাপ?
ডুল ক'রে যদি এসে থাকি ঝড়, ভিড়িয়া থাকি মুকুল,
আমার বরষা ফুটায়েছে তার অনেক অধিক ফুল!

পরায়ে কাজল ঘন বেদনার
ডাগর করেছি নয়ন তোমার,

কুলের আশায় ভাঙিয়া করেছি সাত সাগরের রানী,
সে দিয়াছে মালা, আমি সাজায়েছি নিখিল সুঘমা ছানি'
দস্যুর মত হয়ত খুলেছি লাজ-অবগুঠন,
তব তরে আমি দস্যু, করেছি জিহ্বন লুঠন।

তুমি ত জান না, নিখিল বিশ্ব
কার প্রিয়া লাগি' আজিকে নিঃস্ব?

কার বনে ফুল ফোটার লাগি' ঢালিয়াছি এত নীর,
কার রাজ্য পায়ে সাগর বাঁধিয়া করিয়াছি মঞ্জীর।
তুমি না চাহিতে আসিয়াছি আমি—সত্য কি এইটুকু?
ফুল ফোটা-শেবে ঝরিবার লাগি' ছিলে না কি উৎসুক?

নির্মম-প্রিয়-নিষ্ঠুর হাতে
মরিতে চাহনি আঘাতে আঘাতে?

তুমি কি চাহনি মিলনের মাঝে নিবিড় পীড়ন-জ্বালা?
তুমি কি চাহনি কেহ এসে তব হিঁড়ে' দেয় গাথা-মালা?
পাষাণের মত চাপিয়া থাকিনি তোমার উৎস-মুখে,
আমি শুধু এসে মুক্তি দিয়াছি আঘাত হানিয়া বৃকে!

তোমার শ্রোতরে মুক্তি দানিয়া
শ্রোতমুখে আমি গেলাম ভাসিয়া।

রহিবার যে—সে রয়ে গেল কুলে, সে রচুক সেথা নীড়!
মম অপরাধে তব শ্রোত হ'ল পুণ্য জীর্ধ-নীর!
রূপের দেশের স্বপন-কুমার স্বপনে আসিয়াছিল,
বন্দিনী! মম সোনার হোঁয়ায় তব ঘুম ভাঙাইনু।
দেখ মোরে পাছে ঘুম ভাঙিয়াই,
ঘুম না টুটিতে তাই চ'লে যাই,

যে আসিল তব জাগরণ-শেষে মালা তাও তারি গলে,
সে থাকুক তব বক্ষে—রহিব আমি অন্তর-তলে।
সন্ধ্যা-প্রদীপ জ্বালায়ে যখন দাঁড়ায়ে আঙিনা-মাঝে,
শুনিও কোথায় কোন্ তারা-লোকে কার ক্রন্দন বাজে।
আমার তারার মলিন আলোকে
মান হয়ে যাবে দীপশিখা চোখে,

হয়ত অদূরে গাহিবে পথিক আমারি রচিত গীতি—
যে গান গাহিয়া অভিমান তব ভাঙাতাম সাঁঝে নিতি।
গোধূলি-বেলায় ফুটিবে উঠানে সন্ধ্যা-মণির ফুল,
তুলসী-তলায় করিতে প্রণাম খুলে যাবে বাঁধা চুল।

কুন্তল-মেঘ-ফাঁকে অবিরল

অকারণে চোখে বারিবে গো জল,

সারা শর্বরী ঝাতায়নে বসি' নয়ন-প্রদীপ জ্বালি'
ঝুঁজিবে আকাশে কোন্ তারা কাঁপে তোমায়ে চাহিয়া খালি।
নিষ্ঠুর আমি—আমি অভিশাপ, ভুলিতে দিব না, তাই
নিঃস্বাস মম তোমায়ে ঘিরিয়া স্বসিবে সর্বদাই।

তোমায়ে চাহিয়া রচিনু যে গান

কঠে কঠে লভিবে তা প্রাণ,

আমার কঠ হইবে নীরব, নিখিল-কঠ-মাঝে
শুনিবে আমারি সেই ক্রন্দন সে গান প্রভাতে সাঁঝে।

নদীপারের মেয়ে

নদীপারের মেয়ে।

ভাসাই আমার গানের কমল তোমার পানে চেয়ে!

আলতা-রাজা পা দু'খানি ছুপিয়ে নদী-জলে
ঘাটে বসে' চেয়ে' আছ আঁধার অস্ত্রাচলে।
নিরুদ্ধে ভাসিয়ে-দেওয়া আমার কমলখানি

ছোঁয়ে কি গিয়ে নিত্য সাঁখে তোমার চরণ, রানী ?

নদীপারের মেয়ে !

গানের গাঙে খুঁজি তোমায় সুবের তরী বেয়ে' ।
ঝোঁপায় গুঁজে কনক-টাঁপা, গলায় টগর-মালা,
হেনার গুঁহি-হাতে বেড়াও নদীকূলে বালা ।
শুনতে কি পাও আমার তরীর তোমায়-চাওয়া গীতি?
মান হয়ে কি যায় ও-চোখে চতুর্দশীর তিথি ?

নদীপারের মেয়ে !

আমার ব্যথায় মালাঞ্জে ফুল ফোটে তোমায় চেয়ে' ।

শীতল নীরে নেয়ে ভোরে ফুলের সাজি হাতে,
রাজা উষার রাজা সতীন দাঁড়াও আঙিনাতে ।
তোমার মন্দির স্বাসে কি মোর গুলের সুবাস মেশে?
আমার বনের কুসুম তুলি' পর কি আর কেশে?

নদীপারের মেয়ে !

আমার কমল অভিমানের কাঁটায় আছে ছেয়ে' ।

তোমার সখায় পূজি কি মোর গানের কমল তুলি' ?
তুলতে সে-ফুল মুণাল-কাঁটায় বেঁধে কি অঙ্গুলি?
ফুলের বকে দোলে কাঁটার অভিমানের মালা,
আমার কাঁটার ঘায়ে বোঝ আমার বুকের জ্বালা?

1800 সাল

। কবি-সম্রাট রবীন্দ্রনাথের 'আজি হ'তে শতবর্ষ পরে' পড়িয়া।

আজি হতে শত বর্ষ আগে ।

কে কবি, স্বরণ ভূমি ক'রেছিলে আমাদের শত অনুরাগে,
আজি হ'তে শত বর্ষ আগে।

ধেয়ানী গো, রহস্য-দুলাল!

উতারি' ঘোমটাখানি তোমার আঁখির আগে
কবে এল সুদূর আড়াল?

অনাগত আমাদের দর্শিন-দুয়ারী
বাতায়ন খুলি' তুমি, হে গোপন হে স্বপন-চারী,
এসেছিলে বসন্তের গন্ধবহু-সাথে,
শত বর্ষ পরে যথা তোমার কবিতাখানি পড়িতেছি রাতে !
নেহারিলে বেদনা-উজ্জ্বল আঁখি-নীরে,
আনুমনা প্রজাপতি নীরব পাখায়
উদাসীন, গেলে ঘীরে ফিরে!

আজি মোরা শত বর্ষ পরে

যৌবনা-বেদন-রাজ্য তোমার কবিতাখানি
পড়িতেছি অনুরাগ-ভরে ।।

জড়িত জাগর মুমে শিথিল শয়নে
শুনিতেছে প্রিয়া মোর তোমার ইস্তিত-গান সজল নয়নে ।

আজো হায়

বারে বারে খুলে যায়

দক্ষিণের রুদ্ধ বাতায়ন,

গুমরি' গুমরি' কাদে উচাটন বসন্ত-পবন

মনে মনে বনে বনে পল্লব-মর্মরে,

কবরীর অশ্রু জল বেণী-বসা ফুল-দল পড়ে ঝ'রে ঝ'রে !

ঝিরিঝিরি কাঁপে কালো নয়ন-পল্লব,
মধুপের মুখ হ'তে কাড়িয়া মধুপী পিয়ে পরাগ-আসব!
কপোতের চঞ্চুপুটে কপোতীর হারায় কুজন,
পরিয়াছে বনবধু যৌবন-আরক্তিম কিংশুক-বসন।
রহিয়া রহিয়া আজো ধরণীর হিয়া
সমীর-উচ্ছ্বাসে যেন গুঠে নিঃশ্বাসিয়া !

তোমা হ'তে শত বর্ষ পরে—

তোমার কবিতাখানি পড়িতেছি,
হে কবীন্দ্র, অনুরাগ-ভরে !

আজি এই মদালসা ফাগুন-নিশীথে
তোমার ইস্তিত জাগে তোমার সঙ্গীতে ।

চতুরালি, ধরিয়াছি তোমার চাতুরী।

করি' ছুরি

আসিয়াছ আমাদের দুরন্ত যৌবনে,
কাবা হ'য়ে, গান হ'য়ে, সিক্ককণ্ঠে রঙ্গীলা স্বপনে ।
আজিকার যত ফুল—বিহঙ্গের যত গান যত রক্ত-রাগ
তব অনুরাগ হ'তে, হে চির-কিশোর কবি,
আনিয়াছে ভাগ!

আজি নব-বসন্তের প্রভাত-বেলায়
গান হ'য়ে মাতিয়াছ আমাদের যৌবন-মেলায় ।

আনন্দ-দুলাল ওগো হে চির অমর ।
তরুণ তরুণী মোরা জাগিতেছি আজি তব মাধবী বাসর।
যত গান গাহিয়াছ ফুল-ফোটা রাতে—

সবগুলি তার
একবার—জ' পর আবার
প্রিয়া গাহে, আমি গাহি, আমি গাহি প্রিয়া গাহে সাথে ।
গান-শেষে অর্ধরাতে স্বপনেতে শুনি
কৌদে প্রিয়া, “ ওগো কবি ওগো বন্ধু ওগো মোর গুণী—”
স্বপ্ন যায় থামি,
দেখি, বন্ধু, আসিয়াছ প্রিয়ার নয়ন-পাতে অশ্রু হ'য়ে নামি' ।
মনে লাগে, শত বর্ষ আগে
তুমি জাগো—তব সাথে আরো কেহ জাগে
দূরে কোন্ ঝিলিমিলি-তলে
লুলিত অঞ্চলে!

তোমার ইঙ্গিতখানি সঙ্গীতের করুণ পাখায়
উড়ে যেতে যেতে সেই বাতায়নে ঋণিক তাকায়,
হুয়ে যায় আঁখি-জল-রেখা,
নুয়ে যায় অলক-কুসুম,
তারপর যায় হারাইয়া,—তুমি একা বসিয়া নিঃস্বুম !
সে কাহার আঁখিনীর-শিশির লাগিয়া,
মুকুলিকা বাণী তব কোনটি বা ওঠে মুঞ্জরিয়া,
কোনটি বা তখনো গুঞ্জরি' ফেরে মনে
গোপনে স্বপনে!

সহসা খুলিয়া গেল দ্বার,
আজিকার বসন্ত-প্রভাতখানি দাঁড়াল করিয়া নমস্কার !

শতবর্ষ আগেকার তোমারি সে বাসন্তিকা দূর্তী
আজি নব নবীনেরে জানায় আকৃতি !....
হে কবি-শাহান-শাহ ! তোমারে দেখিনি মোরা,
সৃজিয়াছ যে তাজমহল—
শ্বেতচন্দনের ফোঁটা কালের কপালে ঝলমল—
বিশ্বয়-বিমুক্ত মোরা তাই শুধু হেরি,
যৌবনেরে অভিশ্যপি—“কেন তুই শতবর্ষ করিলি রে দেবী
হায়, মোরা আজ
মোমতাজে দেখিনি, শুধু দেখিতেছি তাজ !

শত বর্ষ পরে আজি, হে কবি-সম্রাট !
এসেছে নূতন কবি—করিতেছে তব নামীপাঠ !
উদয়াস্ত জুড়ি' আজো তব
কত না বন্দনা-স্বক ধানিয়া উঠিছে নব নব ।
তোমারি সে হারা-সুরখানি
নববেণু-কুঞ্জ-ছায়ে বিকশিয়া তোলে নব বাণী ।

আজি তব বরে
শত বেণু-বীণা বাজে আমাদের ঘরে ।
তবুও পুরে না হিয়া ডরে না ক' প্রাণ,
শতবর্ষ সাতরিয়া ভেসে আসে স্বপ্নে তব গান ।
মনে হয়, কবি,
আজো আছ অন্তপাট আলো করি' আমাদেরি রবি!
আজি হ'তে শত বর্ষ আগে
যে-অভিবাদন তুমি করেছিলে নবীনের রাজা অনুরাগে,
সে-অভিবাদনখানি আজি ফিরে চলে
প্রণামী-কমল হ'য়ে তব পদতলে!

মনে হয়, আসিয়াছ অপূর্ণের রূপে
ওগো পূর্ণ, আমাদেরি মাঝে চুপে চুপে !
আজি এই অপূর্ণের কস্তুর কস্তুরে
জোমারি বসন্তগান গাহি তব বসন্ত-বাসরে—
তোমা হ'তে শত বর্ষ পরে !

চক্রবাক

এপার ওপার জুড়িয়া অন্ধকার
মধ্যে অকুল রহস্য-পারাবার,
তারি এই কূলে নিশি নিশি কাঁদে জাগি'
চক্রবাক সে চক্রবাকীর লাগি'।

ভূলে যাওয়া কোন্ জন্মান্তর পারে
কোন্ সুখ-দিনে এই সে নদীর ধারে
পেয়েছিল জায়ে সারা দিবসের সাথী,
তারপর এল বিরহের চির-রাত্তি,—
আজিও তাহার বুকের ব্যথার কাছে,
সেই সে স্মৃতির পালক পড়িয়া আছে!

কেটে গেল দিন, রাত্রি কাটে না আর,
দেখা নাহি যায় অতি দূর ঐ পার।
এপারে ওপারে জনম জনম বাধা,
অকূলে চাহিয়া কাঁদিছে কূলের রাধা।

এই বিরহের বিপুল শূন্য জরি'
কাঁদিছে বাঁশরী সুরের ছলনা করি'!
আমরা শুনাই সেই বাঁশরীর সুর,
কাঁদি—সাথে কাঁদে নিখিল ব্যথা-বিধুর।
কত তের নদী সাত সমুদ্র পার
কোন্ লোকে কোন্ দেশে গ্রহ-তারকার
সৃজন-দিনের প্রিয়া কাঁদে বন্দিনী,
দশদিশি ঘিরি' নিষেধের নিশীথিনী।

এ পারে বুথাই বিশ্বরণের কূলে
খোঁজে সাথী তার, কেবলি সে পথ জুলে।
কত পায় বৃকে কত সে হারায় তবু—
পায়নি যাহারে ভোলেনি তাহারে কতু।

তাহারি লাগিয়া শত সুরে শত গানে
কাব্যে, কথায়, চিত্রে, জড় পাষণে,

লিখিছে তাহার অমর অশ্রু-লেখা।
নিরঙ্ক মেঘ বাদলে ডাকিছে কেকা!
আমাদের পটে তাহারি প্রতিচ্ছবি,
সে গান শুনাই—আমরা শিল্পী কবি।

এই বেদনার নিশীথ-তমসা-তীরে
বিরহী চক্রবাক খুঁজে খুঁজে ফিরে
কোথা প্রভাতের সূর্যোদয়ের সাথে
তাকে সাথী তার মিলনের মোহানাতে।

আমরা শিশির, আমাদের আঁখি-জলে
সেই সে আশার রাজা রামধনু বলে।

কুহেলিকা

তোমরা আমায় দেখতে কি পাও আমার গানের নদী-পারে ?
নিত্য কখন কুহেলিকায় আঁড়াল করি আপনারে।
সবাই যখন মত্ত হেথায় পানি ক'রে মোর সুরের সুরা
সব-চেয়ে মোর আপন যে জন সে-ই কাঁদে গো তৃষ্ণাতুরা।
আমার বাদল-মেঘের জলে ভুল নদী সপ্ত পাথার,
ফটিক-জলের কণ্ঠে কাঁদে তৃষ্ণি-হারা সেই হাহাকার !
হায় রে, চাঁদের জ্যোৎস্না-ধারায় তন্দ্রাহারা বিশ্ব-নিখিল,
কলঙ্ক তার নেয় না গো কেউ, রইল জুড়ে চাঁদেরি দিল !